

## IRAGARKIA

---

### Salmenta ibiltariari buruzko ordenantza arautzailea

2012H0290003

---

Udalbatzarrak, 2012/09/27 datan egindako ohizko bilkuran, behin betikoz onartu zuen ondorengo *Salmenta ibiltariari buruzko ordenantza arautzailea*

Erabakiaren aurkako errekurtsioak:

a) Auzitara jo aurretik, eskatzaileak, hala nahi izanez gero, erabakia berraztertzeko errekurtsioa aurkez dezake 30/1992 Legearen arabera.

—Horretarako, hilabeteko epea dauka, erabaki honen jakinarazpena jaso eta biharamunetik hasita.

—Errekurtsioa aurkeztekotan Osoko Bilkurara jo behar da.

b) Bestela, administrazioarekiko auzi-errekurtsioa aurkez dezake zuzen-zuzenean.

—Horretarako, bi hilabeteko epea dauka, erabaki honen jakinarazpena jaso eta biharamunetik hasita.

—Errekurtsioa aurkeztekotan, EAeko Auzitegi Nagusiko administrazioarekiko auzitarako salara jo behar da.

## SALMENTA IBILTARIARI BURUZKO ORDENANTZA ARAUTZAILEA

### ATARIKOA

Salmenta ibiltaria tradizio bihurtu da gure udalerrian. Horregatik, merkataritza jarduera guztiak bezala, inplikaturako kolektiboen eskaeretara zein gaiari buruzko legeen berrikuntzetara egokitu behar du jarduera horrek.

Udalari dagokio lege tresna bat sortzea merkataritza jarduera horretan, modu batera edo bestera parte hartzen duten pertsonak kontuan hartuta: merkatariak, saltzaile ibiltariak, eta kontsumitzaileak eta erabiltzaileak.

Legedi aplikagarriari dagokionez, kontuan hartu dira, alde batetik, autonomia legedia, hau da, 7/1994 Legea, maiatzaren 27koa, EAeko merkataritza jarduerari buruzkoa, eta, bestetik, berriki indarrean sartutako 199/2010 Errege Dekretua, otsailaren 26koa, salmenta ibiltaria edo ez egonekoa arautzen duena. Dekretu hori, aldi berean, merkataritza txikizkariaren antolamenduari buruzko urtarilaren 15eko 7/1996 Legearen III. tituluko IV. kapituluko arau erregulatzailerik gisa sortu da; martxoaren 1eko 1/2010 Legeak aldatua da lege hori, eta haren helburua da barne merkaturako zerbitzuei buruzko 2006/123/EB Zuzentaraua, Europako Parlamentuak eta Kontseiluak emana, egokitzea.



## Lezoko Unibertsitateko Udala

Helburu horrekin sortu da ordenantza hau, eta bermatuta dago indarreko araudia, lehia askearen eta leialaren esparrua, eta kontsumitzaile eta erabiltzaileen eskubideekiko begirunea betetzen direla.

### I. TITULUA

#### **XEDEA ETA APLIKAZIO EREMUA**

##### *1. Artikulua. Xedea.*

Ordenantza honen helburua Lezoko udalerrian salmenta ibiltaria arautzea da.

Salmenta ibiltaritzat hartzen da ohiko edo noizean behingo saltzaileek merkataritza saltokietatik kanpo, postu edo instalazio desmuntagarrietan edo ibilgailuetan, egiten duten salmenta.

Udalerri osoan debekatuta dago ordenantza honetan adierazitakoez bestelako salmenta ibiltari oro.

### II. TITULUA

#### **SALMENTA IBILTARI MOTAK**

##### *2. Artikulua. Salmenta ibiltari motak.*

Salmenta ibiltari mota hauek daude ordenantza honen aplikazio eremuan:

a) Aldizkakotasun jakineko azoka tradizionalak zein berriak, leku jakin batean kokatutakoak eta aldizkakotasun finkoa dutenak.

b) Noizbehinkako azokak edo postuak, herriko jaietan, ospakizun herrikoietan edo beste ospakizun batzuetan jartzen direnak, udan zein neguan, edo kirol, kultura edo aisialdi ekitaldietan jarritakoak. Mota honen barnean sartzen dira, halaber, ohiz kanpoko artisau azokak; kasu horietan, alkatearen edo haren ordezeko organoaren erabaki bidez zehaztuko da non kokatuko den azoka, zer aldizkakotasun izango duen, eta zenbat postu izango diren.

c) Denda-kamioietan egiten den salmenta. Kasu hauetan, behar bezala egokitutako ibilgailu bat erabili behar da, produktu baimendunak garraiatzeari eta saltzeari buruzko araudi aplikagarriari jarraituz.

d) Aldizkako azokak: azoka hauek a) eta b) idatz zatietan adierazten ez direnak direla ulertzen da.

### III. TITULUA

#### **XEDAPEN KOMUNAK**


#### **I. KAPITULUA**

#### **SALMENTA IBILTARIRAKO BAIMENDUTAKO PRODUKTU ETA POSTUAK**

##### *3. Artikulua. Salmenta produktuak.*

1. Salmenta ibiltarirako baimendu ahal izango dira eskumena duten agintarien arabera osasunari





## Lezoko Unibertsitateko Udala

kalte egiten ez dioten produktuak.

2. Baimenen titularrek zehatz-mehatz bete behar dituzte salmenta produktuen arau tekniko eta sanitarioak, baita gainerako arau aplikagarriak ere.

### II-KAPITULUA.

#### SALMENTA IBILTARIAN JARDUTEA

*4. Artikulua. Salmenta ibiltarian jarduteko baldintzak.*

Lezoko udalerrian salmenta ibiltarian jarduteko, honako baldintza hauek bete behar dira:

1. Alta egitea ekonomia jardueren gaineko zergan, dagozkion epigrafeetan, eta zerga hori ordainduta edukitzea, baldin eta gaiari buruz indarrean den araudiak hala eskatzen badu.
2. Alta egitea Gizarte Segurantzari, dagokion erregimenean, eta dagokion kuota ordainduta edukitzea. Pertsona juridikoek enpresa gisa eman behar dute izena Gizarte Segurantzari, beren langileek afiliatuta egon behar dute, eta kuotak ordainduta eduki behar dituzte.
3. Higiene eta osasun baldintzak (eta beste batzuk) betetzea, salmenta produktuei edo instalazioei buruzko araudi espezifikoek ezarritakoari jarraituz.
4. Udalaren baimena izatea.
5. Dagozkion tasak ordaintzea.

### III. KAPITULUA


#### ESKAERAK

*5. Artikulua. Alkateari eskaera egitea.*

Salmenta postu bat ustiatu nahi duten pertsonak eskaera egin behar diote udalbatzako alkateari, honako datu hauek adierazita:

- a) Eskatzailearen izen-abizenak edo, hala badagokio, sozietatearen izena
- b) Pertsona fisikoaren edo juridikoaren identifikazio fiskaleko zenbakia (IFZ).
- c) Helbidea eta telefonoa
- d) Instalazioen eta salgaien deskribapena; eta, elikagaiak saldu behar badira, elikagai-erabiltzailearen agiria.
- e) Horrez gain, pertsona juridikoek entitatearen baimena erabiliko duen langilearen edo bazkidearen datuak eman behar dituzte: izen-abizenak, helbidea eta NAN zenbakia.
- f) Langile edo bazkide hauen argazkiak, harremanetarako telefonoa eta NAN edo baliokidea denaren zenbakia.
- g) Zer leku, egun eta ordutegitarako eskatzen den baimena, edo, hala badagokio, aldizkakotasun jakineko zer azokatarako eta zer leku finkotarako eskatzen den.
- h) Zenbateko azalera behar duen salmentarako (m<sup>2</sup>-tan) eta/edo ea ezinbestekoa duen produktuak saltzeko egokitutako furgoneta edo kamioi bat erabiltzea, aldizkakotasun jakineko azokan izan ezik.





## Lezoko Unibertsitateko Udala

### *6. Artikulua. Eskaerak aurkeztea.*

1. Eskaera aurkezteko, interesdunak erantzukizun adierazpen bat sinatu behar du soilik, honako hau adierazita, gutxienez:

- a) Ezarritako baldintzak betetzen dituela.
- b) Eskatutako dokumentazioa baduela, jarduera hasterako.
- c) Erantzukizun adierazpena beteko duela baimena indarrean den bitartean.
- d) Alta egitea ekonomia jardueren gaineko zergan, dagokion epigrafean, eta tarifa ordainduta edukitzea. Zergatik salbuetsita egonez gero, zergapekoen erroldan alta egitea.
- e) Gizarte Segurantzako kotizazioak ordainduta edukitzea.
- f) Salmenta ibiltariko produktuari edo produktuei buruzko araudi erregulatuak ezarritako baldintzak betetzea.

2 Eskatzaileek akreditazio bidez egiaztatu behar dute alta egina dutela ekonomia jardueren gaineko zergan edo, hala badagokio, zergapekoen erroldan.

## **IV. KAPITULUA ESKAERAK ONARTZEA**

### *7. Artikulua. Eskaera zuzentzea eta hobetzea.*

Eskaerak aurreko artikuluan adierazitako baldintzak betetzen ez baditu, interesdunak ohartarazpen bat jasoko du, nahitaezko dokumentuak aurkez ditzan hamar eguneko epean; halaber, jakinaraziko zaio dokumentu horiek ez aurkezteak Udaleko eskaerari uko egitea dakarrela.

### *8. Artikulua. Erabakia.*

Eskaera eta beharrezko dokumentuak jaso ondoren, eskumena duen udal organoak dokumentazioa aztertuko du (eta, hala badagokio, baita nahitaezko txostenak ere), eta eskaerari baiezkoa edo ezezkoa emango dio.

## **V. KAPITULUA SALMENTA IBILTARIAN JARDUTEKO UDAL BAIMENA**

### *9. Artikulua. Baimenaren edukia.*

Udal baimenak berariaz bilduko ditu alderdi hauek:

- a) Baimenaren titularraren eta haren izenean jarduteko baimena duen pertsonaren (edo pertsonen) identifikazioa.

Pertsona fisikoen kasuan, baimena lortu ahal izango dute aurreko paragrafoan adierazitako pertsonaren ezkontideak, seme-alabek eta langileek, baldin eta Gizarte Segurantzaren alta egina badute.





## Lezoko Unibertsitateko Udala

Pertsona juridikoen kasuan, berriz, baimena lortu ahal izango dute 9. artikuluko lehen paragrafoan adierazitako pertsonaren bazkide eta langileek, baldin eta Gizarte Segurantzaren alta egina badute.

b) Azokako postuaren zenbakia, baimenaren epemuga, eta jarduera zer lekutan (bat edo gehiago) egin daitekeen.

c) Produktu baimenduak.

d) Jardueraren datak eta ordutegia, kontuan hartuta ordutegiek arau hauek bete behar dituztela:

Postuak muntatzeko ordutegia (zamalanak): 06:30etik 09:00etara

Jendaurreko ordutegia: 09:00etatik 13:00etara

Postuak desmuntatzeko eta garbitzeko ordutegia: 13:00etatik 13:30era (08:45etik 09:05era bitartean ezin da zamalanetarako ibilgailurik martxan jarri azokaren eremuan).

e) Azalera.

f) Instalazioaren ezaugarriak.

g) Baimenaren epemuga.

### 10. Artikulua. Segurtasun, egonkortasun eta sendotasun baldintzak.

- Egiturazko elementu guztiek (oinarriak, zutoinak, estalkiak, etab.) arauzkoak izan behar dute, edo kasuan kasuko helbururako prestatuta egon behar dute. Ezin da elementu inprobisaturik erabili.
- Loturek eta finkagailuek elementu arruntak izango dituzte (ar-emeak, ziriak, bridak, etab.). Ez erabili bermerik gabeko loturarik (sokak, alanbreak, etab.).
- Ezin da elementurik ainguratu zoladuran, eta nahitaez erabili behar dira beste euskarri batzuk, hala nola zapatak eta zurezko mokorrak. Betiere, ez dute ertz edo elementu arriskutsurik izan behar, bisitari edo oinezkoei trabarik ez egite aldera.
- Ez da onartuko azken orduko muntaketa lanik (aldamioak eta antzekoak).
- Egiturarekin bat egiten duten estalkiak erabili behar dira, gorputz bakarrekoak. Olanazko estalkiek, goitik ixten badira, tenkatuta egon behar dute, putzurik eratu ez dadin.
- Egitura guztiek jaso behar dute eskumena duen udal teknikariaren onespena (Udalak izendatuko du).

### 11. Artikulua. Baimenak baliogabetzea

Udalak, beharrezkotzat jotzen badu, baimenak baliogabetuko ditu, baimenaren baldintzak betetzen ez diren kasuetan, ordenantza hau eta gainerako arau aplikagarriak betetzen ez diren kasuetan, eta araudi aplikagarria aldatzen den kasuetan (baimenei eragiten baitie). Baimenak baliogabetuz gero, kaltetuek ez dute eskubiderik izango kalte-ordainik edo beste ordainik jasotzeko.

### 12. Artikulua. Baimenaren indarraldia.

Baimenak urtebeteko indarraldia izango du gehienez ere, eta lau hilabetekoa, gutxienez. Badago aukera baimena luzatzeko; horretarako, beste eskaera bat aurkeztu behar da, aldizkakotasun jakineko azoketako salmentetan eta noizbehinkako denda-kamioietan izan ezik. Kasu horietan,





## Lezoko Unibertsitateko Udala

baimenean adieraziko da zer egunetan egin daitekeen dagokion salmenta jarduera.

### 13. Artikulua. Baimena iraungitzea.

Salmenta ibiltarirako baimenak honako arrazoi hauengatik iraungiko dira:

- a) Epemuga bukatzea.
- b) Titularrak baimenari uko egitea.
- c) Pertsona titularra hiltzea, edo enpresa desegitea.
- d) Dagozkion tasak ez ordaintzea.
- e) Baimenerako baldintzaren bat edo guztiak betetzeari uztea.
- f) Azokara ez joatea ondoz ondoko lau astetan, aldez aurretik Udalean jakinarazi eta behar bezala arrazoitu gabe.
- g) Baimena baliogabetzea.
- h) Kokagune eta aldizkakotasun jakineko azokatik kentzea salmenta ibiltariko jarduera, oro har, udalerrian.
- i) Ordenantza honek xedatutako betebeharrak behin eta berriz urratzea.

Baimen bat d), e), f), g) h) eta i) arrazoen arabera iraungitzeko, beharrezkoa izango da alkateak edo haren ordezkioak erabaki bat hartzea, interesdunaren arrazoiak entzun eta gero; gehienez ere, 15 eguneko epea emango da.

## IV. TITULUA


### SALMENTA IBILTARIAN JARDUTEN DUTEN PERTSONEN ESKUBIDEAK ETA BETEBEHARRAK

#### 14. Artikulua. Eskubideak.

1. Lezoko salmenta ibiltarirako udal baimenen titularrek honako eskubide hauek izango dituzte:

- a) Baimena lortu duten salmenta postuetan egoteko eskubidea.
- b) Udalak baimendutako salmenta jardueran aritzeko eskubidea, jendaurrean eta istilurik sortu gabe, baimenak zehaztutako ordutegi eta ezaugarrien arabera.
- c) Tokiko agintarien eta udaltzaingoaren babesa jasotzeko eskubidea, baimendutako jardueran behar bezala aritzeko.
- d) Azoka bertan behera gelditzen bada, udal baimenen titularrek lehentasunezko eskubidea izango dute postu bat izateko azoka horren ordezkio azokan. Kasu horietan, ahal den neurrian, iraungitako baimeneko baldintza berberak mantenduko dira.
- e) Erreklamazioak eta iradokizunak aurkezteko eskubidea, jarduera baimentzen den azokaren funtzionamendua hobetze aldera.
- f) Salmenta jarduerari dagokion postuan aritzeko eskubidea izango dute baimenaren titularrak,





## Lezoko Unibertsitateko Udala

haren ezkontideak eta seme-alabek, eta haren mendeko langileek, baldin eta Gizarte Segurantzaren alta egina badute titularraren eskutik. Baimena eskatzean, aipatutako pertsona horien berri eman behar die titularrak Udalari.

g) Postuaren kokalekuaren berri izateko eskubidea. Kasu guztietan, asfaltozko, zoladurazko edo porlanezko azalera baten gainean jarriko dira postuak.

h) Udalak salmentaren data ez aldatzeko eskubidea. Salbuespentzat hartuko da egun berean izatea azoka eguna eta jai bat edo gertaera berezi bat; kasu horietan, Udalak alde aurretik jakinaraziko die interesdunei, behar besteko denboraz. Azoka eta jaiegun bat egun berean suertatuz gero, ohiko egunaren bezperan egingo da azoka.

2. Aldizkakotasun jakineko azoketan salmentan jarduteko baimena duten pertsona titularrek eskubidea izango dute salmentan sortutako hondakinak jasotzeko eremu bat edo ontziak izateko, azokaren eremuan bertan.

### 15. Artikulua. Betebeharrak.

a) Merkataritza jardueran ari diren bitartean, saltzaileek uneoro bete behar dute araudian gai hauei buruz xedatutakoa: salmenta jardueran aritzea, azokaren arauak, kontsumitzaile eta erabiltzaileen defentsa, eta ingurumena babestea.

b) Salmenta gunean ikusgai jarri behar dituzte eskaintzen dituzten produktuen salmenta prezioak, kartel eta etiketa bidez. Salgai diren produktuen prezioa esplizituki eta argi eta garbi adierazi behar dituzte, gaiari buruzko indarreko legediari jarraituz. Solte edo ontziratutako gabe saltzen diren produktuen, eta kopuruaren edo kantitatearen arabera prezioa duten elikagaien kasuan, neurri-unitateka adierazi beharko da prezioa. Salgai guztiek agerian egon beharko dute; ezin da salgaiarik edo salgai atalik gorde, aukeratu edo ezkutatu.

c) Udal langile edo agintari akreditatuek dokumentazioa eskatuz gero, saltzaileek eskatutakoa bete beharko dute.

d) Baimenen titularrek salmenta jarduerarako perimetro, azalera eta lekuak errespetatu beharko dituzte, aurretik jasotako zehaztapenen arabera. Gune horiek ez dute inolako ere trazarik egingo leku publiko eta pribatuetan, eta merkataritza eta industria saltokietan. Bestalde, guneek ez dute estaliko ez erakusleihu eta erakusmahairik, ez bide seinalerik, ez beste seinalerik, eta ez dira sekula egongo kalean, oinezkoen igarobideetan, edo etxebizitzetarako, saltokietarako eta ibilgailuentzako sarbideetan.

e) Salmenta ibiltarian jarduten duten pertsonak behartuta daude kartel ikusgarri batean adierazteko zer helbidetan jasoko diren kontsumitzaileen erreklamazioak, halakorik izanez gero. Gainera, salmentaren ordainagirian edo egiaztatagirian adieraziko da helbide hori.

f) Pisukako edo neurrikako salgaiak eskaintzen dituzten postuek arauzko baskulak eta metroak izan behar dituzte.

g) Elikagaiak behar bezala babestu behar dira, eta lurretik 60 cm-ra, gutxienez.

h) Ahal den neurrian, elikagaiak ontzi homologatuetan gorde behar dira, produktu bakoitzaren ezaugarrien arabera.

i) Interesdunak salerosketa eragiketaren ordainagiria edo egiaztatagiria eskatuz gero, saltzaileek eskatutakoa bete behar dute. Gutxienez, honako datu hauek adierazi behar dira agiri horretan: datu pertsonalak edo izen sozial, IFZ zenbakia, kontsumitzaileen erreklamazioak hartzeko lekua,





## Lezoko Unibertsitateko Udala

produktua, prezioa, data, kopurua eta saltzailearen sinadura.

j) Ezin dute produkturik saldu dagokien postutik kanpo, ezta geltokien arteko pasabideetan ibiltzeko trabarik sortu ere.

k) Salmenta jardueraren ondorioz sortutako hondakinak, ontziak, bilgarriak eta gainerako zaborra gaika bildu behar da edukiontzietan edo Udalak birziklatzeko gaiak jasotzeko prestatutako guneeetan. Edukiontziak ez dira lekuz mugituko salmenta ibiltariaren ondorioz.

l) Postuko instalazioak egoera onean mantendu behar dituzte.

m) Zoladuran, zuhaitzetan, herri argietan eta abarretan kalterik eraginez gero, postuen titularrek berek ordainduko dituzte.

n) Egitura mugikorrek dituzten postuek erantzukizun zibileko aseguru poliza bat izan behar dute, jarduerako instalazioek hirugarrenei eragindako kalteen estaldura emateko.

ñ) Debekatua dute gailu akustikoak erabiltzea salgaien eskaintza ozenki zabaltzeko.

o) Udal baimenen titularrek udal agintari edo funtzionarioen aginduak bete behar dituzte, ordenantza hau eta gaiari buruzko indarreko legedia aplikatuz, salmenta ibiltaria behar bezala gauzatu dadin.

p) Udal baimenen titularrek indarreko legediak ezartzen dituen edo ezarriko dituen betebeharrak bete behar dituzte, eta eskumena duten administrazio publikoetako organoei dagokie betebeharrak horiek betetzen diren zaintzea.

q) Udalak edozein unetan eska dezake ingurumen arauak betetzea.

## V. TITULUA

### ALDIZKAKOTASUN JAKINEKO AZOKETAKO SALMENTA

*16. artikulua. Postuen banaketari buruzko planoak, zenbakituta.*

Udalak, aldizkakotasun jakineko azoken funtzionamendu eta kontrol egokia bermatze aldera, eskala plano bat izango du. Plano horretan adieraziko da postu guztien banaketa, postu bakoitzari zenbaki bat ipinita; zenbaki horiek baimenetako zenbakiekin bat etorriko dira.

*17. Artikulua. lagun-animaliak.*

Postuen titularrek ezin dute aldean izan lagun-animaliarik.

*18. Artikulua. Azokako postuen esleipena.*


Udalak urtero abenduan esleituko ditu aldizkakotasun jakineko azokako postuak, urte naturalean jasotako eskaeren artean. Asteko azokara urte guztian zehar joan diren saltzaileen eskaerak lehentasuna izango dute Saldise plazako eremu estalian egoteko. Eskaera kopurua handiagoa bada eremu estaliko postuen kopurua baino, zozketa egingo da aurkeztutako guztien artean. Prozedura berari jarraituko zaio eskaera kopurua azokaren eremua baino handiagoa denean ere.

Eskaera kopurua handiagoa bada salmentarako prestatutako eremua baino, eskaeren itzarote zerrenda bat sortuko da.

Zozketa hauek jendaurrean egingo dira. Udalbatzako idazkaria edo haren ordezkoko funtzionarioa







## Lezoko Unibertsitateko Udala

aurrean direla egingo da zozketa; hark idatziko du dagokion akta, eta fede emango du.

### *19. Artikulua. Azoken kudeaketa.*

Azoken indarraldian bajarik sortzen bada, itxarote zerrenden arabera beteko dira baja horiek.

## **VI. TITULUA**

### **TARIFAK**

### *20 Artikulua. Tarifak.*

Dagokion zerga ordenantzan ezarriko da zer tarifa ordaindu behar den eta zer epe dagoen tarifak ordaintzeko.

## **VII. TITULUA**

### **IKUSKARITZA, ARAU-HAUSTEAK ETA ZIGORRAK**

#### **I. KAPITULUA**

##### **SALMENTA IBILTARIAREN GAINEKO ZAINZA ETA IKUSKARITZA**

### *21. Artikulua. Zaintza eta ikuskaritza.*

1. Udalak zainduko eta bermatuko du ordenantza honetan ezarritako betebeharrak egoki betetzea. Halaber, salmenta ibiltariari buruzko higiene, osasun eta segurtasun arauen gaineko zaintza egingo du, beste administrazio publiko batzuek beren eskumenak aplikatzea baztertu gabe.

2. Udalak, zaintza lanen barruan, produktu, jarduera eta instalazioen gaineko ikuskaritza egin ahal izango du, baita haiei buruzko informazioa eskatu ere saltzaileei.

3. Salgaiak kautelaz erretiratzeko eskatu ahal izango du espedientea irekitzen duen agintariak, kasu hauetan: salgaiak arriskurik ekar badezakete kontsumitzaile eta erabiltzaileen osasunarentzat edo segurtasunarentzat, iruzurrik egiten badute kalitateari edo kopuruari dagokionez, faltsutuak edo identifikatu gabeak badira, edo merkaturatzeko gutxieneko baldintzak betetzen ez badituzte. Betiere, aplikazio araudian ezarritakoa beteko da.


#### **II. KAPITULUA**

##### **ARAU-HAUSTEAK**

### *22. Artikulua. Eskumenak.*

Eusko Jaurlaritzako organoen zigor eskumena baztertu gabe (merkataritza jarduerari buruzko maiatzaren 27ko 7/1994 Legea), Udalak zigortuko ditu ordenantza honetan ezarritako arau-





## Lezoko Unibertsitateko Udala

hausteak.

### *23. Artikulua. Erantzunkizun erregimena.*

Erantzukizun erregimenari eta ordenantza honetan zehaztutako arau-hausteen zigorren prozedurari dagokionez, honako lege hauei jarraituko zaie: batetik, Euskal Autonomia Erkidegoko herri administrazioek zigortzeko duten ahalmenari buruzko otsailaren 20ko 2/1998 Legea, eta, bestetik, herri administrazioen araubide juridikoari eta administrazio prozedura erkideari buruzko azaroaren 26ko 30/1992 Legearen 127. artikulua eta ondorengoak.

### *24. Artikulua. Zigorren sailkapena.*

Arau-hausteak arinak, larriak eta oso larriak izan daitezke.

1. Arau-hauste arintzat hartuko da ordenantza honetako xedapenak ez betetzea, baldin eta arau-hausteak ez badakar eragin ekonomiko zuzenik kontsumitzaileentzat, ez eta kalterik ere; alegia, arau-hauste larritzat edo oso larritzat hartzen ez direnak dira arau-hauste arinak.

2. Arau-hauste larritzat hartuko dira:

a) Kontsumitzaileentzako eragin ekonomiko zuzena edo kalteren bat dakarten arau-hausteak.

b) Osasunaren arloko zigor larriekin batera egindako arau-hausteak.

c) Salmenta ibiltarian jardutea udal baimenik izan gabe, nahitaezkoa baita.

d) Agintariak eta haren agenteek informazioa edo datuak eskatu –ordenantza honetan ezarritako zaintza funtzioak betetze aldera–, eta ezezkoa ematea edo haiei aurka egitea; eta informazio zehaztugabea, akastuna edo faltsua ematea, baldin eta ezezkoa ematean edo aurka egitean bortzarik, mehatxurik edo beste edozein presio motarik egon bada agintarien edo haien agenteen aurka, edota ezezko edo aurkako jarrera behin baino gehiagotan errepikatzen bada.

3. Arau-hauste oso larritzat hartuko dira:

a) Osasunaren arloko zigor oso larriekin batera egindako arau-hausteak, edo pertsonen segurtasunean arrisku larria ekar dezaketenak.

b) Kontsumitzaileentzako kalte larriak ekartzen dituzten arau-hausteak.


c) Neurritz gaineko etekin ekonomikoa dakarten edo ekonomia ordena larriki nahasten duten arau-hauste larriak.

## **III. KAPITULUA ZIGORRAK.**

### *25. Artikulua. Zigorrak.*

Kontsumitzaile eta erabiltzaileen defentsarako legedi orokorraren aplikazioa baztertu gabe, merkataritza jarduerari buruzko maiatzaren 27ko 7/1994 Legeari eta/edo haren ordeztu ezarritako ondorengoei jarraituz zigortuko dira arau-hausteak. Udalari dagokio arau-hauste arinak eta larriak zigortzea, honako hauen arabera:





## Lezoko Unibertsitateko Udala

- a) Arau-hauste arinak: 300 eurotik 25.000 eurora arteko isunak.
- b) Arau-hauste larriak: 25.001 eurotik 150.000 eurora arteko isunak.
- c) Arau-hauste oso larriak: 150.001 eurotik 900.000 eurora arteko isunak (Eusko Jaurlaritzako organo eskudunek).

Kopuru horiek berraztertu eta hiru urtez behin eguneratu ahal izango dira Gobernu Kontseiluaren dekretuz; betiere, kontsumo prezioen indizearen bilakaeraren arabera jokatuko da, eta, horrenbestez, automatikoki eguneratuko dira isunen zenbatekoak, dagokion hedabideetan argitaratu ondoren.

### *26. Artikulua. Kautelazko esku-hartzea.*

Udaltzaingoak kautelaz konfiska ditzake salgai faltsutuak, iruzurrezkoak, identifikatu gabeak, eta merkaturatzeko gutxieneko baldintzak betetzen ez dituztenak, baita ordenantza honen arauak hausteko erabilitako tresna eta baliabideak ere.

Esku hartzen duten udaltzainek akta bat idatziko dute, esku-hartzeari buruzko xehetasunak emanez, kasuan kasuko zigor espedientea izapidetze aldera.

### *27. Artikulua. Zigor gehigarriak: salgaiak konfiskatzea.*

Zigor espedienteari buruzko erabakia hartzea dagokion agintariak beste zigor batzuk aplikatzea erabaki dezake, hala nola, konfiskatzea salgai faltsutuak, iruzurrezkoak, identifikatu gabeak eta merkaturatzeko gutxieneko baldintzak betetzen ez dituztenak, baita ordenantza honen arauak hausteko erabilitako tresna eta baliabideak ere. Zigor gehigarri hau bat etorriko da zigor nagusiaren arauekin.

Salgai horiek osasun publikoarentzako arriskutzat hartzen badira, suntsitu egin beharko dira. Zigor organoak erabakiko du konfiskatutako salgaiekin zer egin.

Arau-hausleak ordaindu beharko ditu esku-hartzeari, gordailutzeari, konfiskatzeari, garraiatzeari eta suntsitzeari dagozkien gastuak.

### *28. Artikulua. Zigorren sailkapena.*

Zigorrak mailaka sailkatzeko, kontuan hartuko dira honako alderdi hauek: zer nolako eragin soziala izan duen zigorrak, arau-hausleak zer jokabide espekulatibo izan duen, zigor eragiketak zer kostu ekarri duen, saldutako zerbitzu edo produktuen jatorria zein den, arau-hausleak zer posizio duen merkatuan, zer kalte eragin duen, zer asmo erakutsi duen, edo ea araua behin eta berriz hautsi duen.


### *29. Artikulua. Prozedura.*

Ordenantza honetan bildutako arau-hausteren baten ondorioz zigor espedienterik irekitzen eta ebazten bada, kasuan kasuko lege prozeduraren arabera izapidetuko dira espediente horiek, eta, halakorik ez bada, haren arau osagarriak aplikatuko dira.

### *30. Artikulua. Arau-haustek eta zigorrak preskribatzea.*

1. Ordenantza honetan bildutako arau-hauste eta zigor arinak preskribatu egingo dira urtebeteko epean; larriak, berriz, bi urteko epean, eta oso larriak, azkenik, hiru urteko epean.
2. Arau-haustea egindako egunetik aurrera kalkulatu da arau-haustea preskribatzeko epea.





## Lezoko Unibertsitateko Udala

Preskribatze epea eten egingo da, zigor prozedura hasi eta interesdunari horren berri ematen bazaio; preskribatze epea berriz abian jarriko da, baldin eta zigor espedientea hilabetean baino gehiagoan geldirik egoten bada, ustezko arau-hauslearekin zerikusirik ez duen arrazoiren batengatik.

3. Zigorra ezartzen duen erabaki irmoa hartu eta hurrengo egunetik aurrera kalkulatu da zigorra preskribatzeko epea.

Preskribatze epea eten egingo da, betetze prozedura hasi eta interesdunari horren berri ematen bazaio; preskribatze epea berriz abian jarriko da, baldin eta zigor espedientea hilabetean baino gehiagoan geldirik egoten bada, ustezko arau-hauslearekin zerikusirik ez duen arrazoiren batengatik.

### *Xedapen iragankorra*

Aldizkakotasun jakineko salmenta ibiltariaren egungo baimenak iraungi egingo dira salmenta baimendu den urteko abenduaren bukaeran, eta saltzaileek ez dute eskubiderik izango kalte-ordainik eta beste ordainik jasotzeko.

Ordenantza hau indarrean jartzen denean, Udalak aurtengo esleipendunei beren baimenak noiz baliogabetuko diren jakinaraziko die.

*Lezo 2012-10-11.*

*Eneko Lartige Zabaleku, Alkate lanetan.*

